



Set Tsüngrem akumtsübuba tebur ka liasü aser pa arishi kum noklang tuku ser terana ali. Pa dak nungi chirmur aika jakzüük.

19



Alima nung meimchir tai temenen tulu, aser parnok temulung nung bilemba teti tamajung dang ta Kibubai angu. Aser Kibuba mulung nung jashi aser Pai tatem nung mulungtet, meimchir shiba pai poktetdaksü.

alima nungi samatsutsü, iba ten ...

20



... shiruru aser ozü ajak. kechiaser parnok yangluba atema Tsüngrem temulung meyipdaksü. Saka parnok rongnung nisung kati Kibuba peladakja liasü ...

21



Pa tenüng Noa liasü, shiba Set kin nungi jakzüükba liasü, aser Noa temeshi nisung liasü. Noai Tsüngrem den jaja.

22



Pai par jabaso asem dang Kibuba tsübutsü sayu. Dang oda Tsüngremi Noa den sayatonya mapa inyaksü asoshi tebilemba liasü.

23

Meimchir Tejashi Tetenzükdak
Tsüngrem o nungi otsü ka, Laishiba,
yangi angutsü
Lipok 3-6

"Nü o aitba ajanga tesangwa agütsür."
Tenüngsang Ken 119:130

Asenoki mapa tamajung inyakba Tsüngremi meteta lir, aser Pai iba mapa tamajung dang temenen ta ajar. Temenen ta-a ji tasüba.

Tsüngremi asenok oda meim nung Pai Pei ajaso chir Yisu agütsü, asen menen asoshi Pa kangki nung asü. Yisu tasü nungi shia aru aser Pa kotaki ao! Aser tanga Tsüngremi asenokdang asen menen tatok agütsütsü.

Na temenen lemang nungi meyipnera, Tsüngrem dang ya shiang: Temeim Tsüngrem, Yisu ni asoshi asü aser Pa tanaben taküm lir ta ni amanger. Yimlibelema kü takümi na aiding aser kü nem temenen tatok agütsüang, aji ang la aji ang la ni taküm tasek atsü aser kenü anogo ni ne den arua tatem maka alitsü. Ni nü tashi angutsü aser na asoshi ne chir ka ama alitsü nai ni yariangma.
Amen. Yohan 3:16

Anogoshia Laishiba zügang aser Tsüngrem den jemiang!

Ao

Meimchir Tejashi Tetenzükdak

Tezülotsür Edward Hughes
Ratetsür Byron Unger; Lazarus

Meyipzüksür Naro Aochenlar
Yanglushitsür M. Maillot; Tammy S.

Otsü 60 nungi 2

M1914.org

Bible for Children, PO Box 3, Winnipeg MB R3C 2G1 Canada

Temelaba: Iba otsü nai copy asütsü mesüra menüngzüksü akok, saka ayuktsü memelar.



Tsüngremi kechisarena ajak yanglu! Mezungbuba nisung, Adam Tsüngremi yanglu, aser pa kinungtsü Eva ten Eden tzüki nung liasü. Tenati Tsüngrem tashi anga, Tsüngrem tanela parnok den tena jangratema liasu. Saka kenü anogo ...

1



"Atangji, atzüki nung aliba sündong kecha nungi techi ta Tsüngremi ashi asü?" Peri Eva dang asüngdang.

2



Lai langzū, "Atzūki nung aliba süngjang onoki chitet; saka koba süngdong atsü tiyong nung ali, iba süngjang mechitet aser mekongshitsü, aji mesüra onok asütsü." Idangji peri ashi, "Atangji nenok masütsü."

3



"Nenok Tsüngrem ama akumtsü." Idangji Evai iba süngdong indang süngjang chinu aser tenük dang azüapung. Lai peri ashiba anga aser iba süngjang achi.

4



Evai Tsüngrem tashi mangai süngjang achiba dang masü ano lai Adam nem chidaktsü. Iba mapang Adam-i, "Mah! Ni bo Tsüngrem O mangai malitsü" ta shila sang.

5



Kodang Adam ser Eva nati tai mena, tenaprongla mangsa ta meteta akum aser parnokong o arütep aser pei asoshi teperem sü yanglu. Parnoki Tsüngrem tsüngdang nungi atsüka atsüki süngdong rongnung ali.

6



Anogo mopung tanep dang Tsüngremi atsüki-i aru. Adam aser Eva nati kechi inyak, Pai metet. Adami Eva nem aibelenba tongloksü. Evai per dang tai tongluktsü. Idangji Tsüngremi ashi, "Per, na atakatem kaotsü. Tetsür, na nubenba timtem tali kümdaktsütsü; na kangshia tanur amungtsü."

7



"Adam, nai aibelenbayong, ne arishi tepiyong anungji belemsüta chiyongtsü angutsü. Ayi aser ai na atema meitsütsü; aser nai arem nung meiba süngo-lío achitsü."

8



Tsüngremi Adam aser Eva Eden tsüki nungi aridok aser parnok taküm agütsütsang Tsüngrem nungi pila, kechiaser parnokoi tai mena.

9



Tsüngrem-i taküm

süngdong lemag anüktsü asoshi ajaklen meyiphiba sentsüprang nok ka ayu. Anu Tsüngrem-i Adam aser Eva asoshi shikep tola yanglua parnok nem semtsü. Iba tekep Tsüngrem-i kechi nungi agizük?

10



Oda liyonga arudang, Tsüngremi Adam aser Eva nem kibong ka moatsü, tena mezüng jabaso, Kain, pa aluyimer liasü. Tanabuba jabaso Abel, pa sannüker liasü. Kenü anogo Kaini ali nung atangba kibuba dangi tenla aben.

11



Aser Abel-ia san telok mezüng mepuba nungi aser iba temotem Kibuba dangi tenla aben. Aser Kibubai Abel aser pa tenla agizük.

12



Kain aser pa tenla Kibubai magizük. Aser Kain kanga ain adok. Saka Kibubai ashi, "Kechiba ain adoker? Nai tajung benshirabang, na magizüktsü ama?"

13



Kain ain adokba mesüngzüktedi liasü aser kaini tenu Abel dang ashi asenok aremi odi aser kodang parnok arem nung liasü, Kaini tenu Abel anema apuso - aser pa tepset!

14



Kibubai Kain dang ashi, "Nenu kong lir?" Kaini langzü, "Ni memetet, Ni künu anükba ama?" Kibubai kain atakatem; Oda kodang pai ali inyakdir tang nungi ali-i pei tashi pa nem magütsütsü ser alima nung jenshir aser tenemzür ka kümdaktsü.

15



Kain Kibuba tsungdang nungi pila-ao. Kain, Adam aser Eva jala ka den medem aser kibong ka alongtet. Kobi meli-i Kainer semchirtem aser tanabuba semchirtemi Kaini yangluba yimti sünga aküm.

16



Iba mapang nungsa Adam aser Eva kibong kanga dang kera züina ao. kechiaser parnok mapang nung meimchir arishi kum talang liasü.

17



Kodang Evai jabaso ka aso, aser pa tenüng Set aja, idangji lai ashi, "Tsüngremi Abel melena kü nem metsü tangar ka shimtetsü."

18